

**MESYUARAT PERTAMA PENGGAL PERTAMA
DEWAN UNDANGAN NEGERI PULAU PINANG
YANG KEEMPAT BELAS
02 OGOS 2018**

PERKARA : 4(B)(XIX)5

**SOALAN BERTULIS OLEH AHLI KAWASAN PENAGA
YB. MOHD YUSNI BIN MOHD PIAH**

5. Nyatakan pembangunan yang telah dijalankan dalam tempoh 10 tahun di kawasan Penaga dan pembangunan yang sedang dirancang?

**YB. JAGDEEP SINGH DEO A/L KARPAL SINGH
MENJAWAB BAGI PIHAK Y.A.B. KETUA MENTERI**

5. Kerajaan Negeri telah melaksanakan dan merancang pelbagai projek di Kawasan Dewan Undangan Negeri (KADUN) Penaga melalui Pejabat Daerah dan Tanah Seberang Perai Utara, Jabatan Kerja Raya (JKR) dan Jabatan Pengairan dan Saliran (JPS) khusus untuk rakyat di kawasan berkenaan.

Berhubung perancangan dan pelaksanaan projek pembangunan, Dasar Pembangunan Desa telah mengariskan empat komponen utama iaitu peningkatan modal insan, meningkatkan keusahawanan, peningkatan infrastruktur dan pengurangan kemiskinan di desa. Bertepatan dengan itu, Kerajaan Negeri melalui peruntukan pembangunan yang diluluskan oleh Dewan Undangan Negeri telah menyediakan peruntukan secara tahunan bagi tujuan pembangunan desa bagi melaksanakan program dan projek di bawah Projek Khas Ekonomi seperti berikut :

- (i) Program Pembaikan Rumah Rakyat Termiskin (Bina Baru dan Baiki);
- (ii) Program Peningkatan dan Pemulihan Ekonomi (Naik taraf Komplek Gerai);

- (iii) Program Peningkatan Ekonomi Golongan Miskin/ Pembangunan Industri Desa (Bantuan Peralatan);
- (iv) Projek Naik Taraf Dewan Orang ramai;
- (v) Projek Naik Taraf Jalan Kampung dan Longkang; dan
- (vi) Program Modal Insan

Pejabat Daerah selaku agensi utama di peringkat daerah akan membuat perancangan serta mengenal pasti penerima dan projek yang bersesuaian di bawah Projek Khas Ekonomi untuk dilaksanakan berdasarkan keutamaan dan keperluan di kawasan tersebut. Projek yang telah dilaksanakan oleh Pejabat Daerah dan Tanah Seberang Perai Utara (PTDSPU) adalah seperti di **Lampiran A**.

Di samping itu, terdapat juga projek pembangunan infrastruktur dan fizikal yang telah dan sedang dilaksanakan melalui jabatan pelaksana iaitu JKR dan JPS. Perincian projek yang dilaksanakan oleh JKR dan JPS masing-masing seperti di **Lampiran B** dan **C**.